

FESTIVAL DI DANDE NA HULANDA FIN DI LUNA



Riba e portret por mira e ganadornan di premio di e concurso di dande di 1995 cu di 5 persona na man drechi Sr. Ito Kelly e maximo ganador.

For di Elvia y Ovi Henriquez cu anualmente ta organiza festival di Dande na Aruba y cu e aña aki a hinca organizacion di e evento den man di Contacto Arubano Rotterdam (CAR), DIARIO a ricibi e informacion cu e festival di Dande na Rotterdam ta dia 29 di e luna aki.

A dicidi di anuncia esaki debi cu fin di e luna aki hopi Arubiano lo ta na hulanda cu vacacion cerca familianan y conocirnan y asina por haya oportunidad tambe pa mira e festival y topa cu otro.

E comision di Dande ta consisti di Sr. Pedro Figaroa, Hyacintho Figaroa, y Shaki Wever y e evento lo ta den edificio ODEON, den Gouvernestraat 56 D na Rotterdam.

E lugar aki ta cerca di Centraal Station di Rotterdam y por wordo yega cu Tram 1 of 7 direccion Spangen, baha despues di e di dos halte.

Lo tin varios participante femenino y masculino cu lo ser acompaña pa tres grupo di Dande cu ta Grupo Alegre, Grupo Kibrahacha y Grupo Tropical, bao direccion di Sr. Tico Oduber.

Tambe pa varia e programa lo tin varios artista Arubiano, grupo di Aguinaldo y Lord Cachete tambe lo ta presente.

Di 2 or merdiapa 8 or anochi lo tin e concurso di Dande, competencia pa grupo di Aña, actuacion di diferente artista grupo di gaita, aguinaldo etc.

For di 8 or anochi pa 11 or anochi ocasion pa balia cu ritmo di e grupo ganador, grupo di aña 1996.

Entrada a ser teni rasonable cu tarifa pa carchi cumpra di antemano, esta adelanta, y prijs di carchi na porta cu ta mas caro. Tambe pa e grandinan 60 +, invalidonan, studiantenan Arubiano y muchanan di 10 pa 15 aña di edad lo tin prijs reduci. Ningun di e prijsnan di entrada ta pasa 20 florin.

Tur persona cu taviaha pa Hulanda e dianan aki pa pasa fin di aña cerdca conocirnan y familianan por participa na e evento aki.

Ovi y Elvia ta desea henter pueblo Arubano un feliz Pasco y un aña 1997 cu lo habri cu bendicion, amor, dicha, felicidad cariño pa un y tur den union di hogarnan arubano.